

Prema važećem Federalnom zakonu koji tretira ovu oblast vozač koji ima navršenih 65 godina ne može voziti na prostoru Federacije BiH, odnosno ne može upravljati vozilom za prijevoz putnika za koje je potrebna D kategorija dok po Državnom zakonu o prijevozu putnika u međuentitetskom i međunarodnom saobraćaju ovo ograničenje ne važi.

Obrazloženje dalje navodim ali ono je u pisanoj formi. Hvala vam lijepo.

DRAGAN MIOKOVIĆ:

Hvala lijepo.

11,26 konstatujem da smo završili Aktuelnu sesiju zastupnice i zastupnike koji nisu došli na red da govore molim da svoje diskusije podnesu u pismenoj formi (upadice) Molim vas ja samo postupam poslovnički sat vremena, sat vremena je protekao ja na spisku imam još deset tražilaca riječi i jednostavno ne mogu toliko vremena produžiti ovu tačku.

Molim vas, molim vas, znači stavljam na glasanje prijedlog da produžimo sesiju do završetka zaključno sa zastupnikom Amelom Mekićem.

Molim vas da pristupite glasanju.

Za 36 suzdržanih, 16 protiv konstatujem da nastavljamo dalje.

Molim ministra Delića da odgovori čini mi se na tri pitanja koja su postavljena. Ja vas molim da samo vodite računa o vremenu, ministre molim vas.

ADNAN DELIĆ:

Zahvaljujem predsjedavajući.

Prvo pitanje je bilo od uvaženog kolege Batalovića vezano je za Zakon o roditeljima-njegovateljima. On će nakon što dobijemo mišljenja po Poslovniku biti upućen prema Vladi a u tim izmjenama i dopunama smo predvidjeli ovaj problem koji je postojao u sadašnjem zakonskom rješenju a tiče se boravka djece u četiri sata izvan doma i tiče se drugih poboljšanja samog zakonskog propisa i ja se nadam evo da ćemo što prije taj zakon usvojiti na Vladi a onda ga poslati prema oba doma Parlamenta FBiH.

Kolegica Kenela Zuko je ponovno problematizovala proces imenovanja u ustanovi Drin i tražila mišljenje Ministarstva pravde. Ja ću reći da Ministarstvo pravde nije u mogućnosti tumačiti propise iz nadležnosti Ministarstva rada u ovom konkretnom slučaju Zakona o socijalnim ustanovama FBiH i već smo odgovorili na postavljeno pitanje.

Kolega Marijan Marjanović je postavio pitanje vezano za finansiranje ustanova socijalnog zbrinjavanja čiji je osnivač Predstavnički dom Parlamenta FBiH, predviđena su dva miliona za tekuće poslovanje obzirom da smo prošle godine uspostavili dječje odjeljenje u ustanovi Hum sva ta sredstva ove godine biti će proslijeđena ustanovi Hum a ja se nadam da ćemo u određenim preraspodjelama naći dodatna sredstva za tekuće poslovanje ustanova socijalne zaštite na nivou Federacije BiH. I moram da naglasim da su pored ova dva miliona predviđena i tri miliona za kapitalne transfere.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 08-04-2025			
Org. jed.	E r o j	Priloga	Vrijednost
0511	- 02 -	166	/25

I bilo je pitanje vezano za propisivanje jedinstvene metodologije za određivanje cijena. Ministarstvo rada i socijalne politike je donijelo Pravilnik, odnosno minimalne standarde kada je oblast socijalne zaštite u pitanju. Nažalost, Ministarstvo zdravstva i Ministarstvo odgoja i obrazovanja još uvijek nije donijelo standarde kako bi se mogla propisati jedinstvena metodologija utvrđivanja cijena nakon što Ministarstvo zdravstva i obrazovanja donesu spomenute standarde onda ćemo mi biti u mogućnosti da donesemo i jedinstvenu metodologiju o samim izračunu cijena u socijalnim ustanovama socijalne zaštite.

Kolegica Alma Kratina je postavila pitanje vezano za Zakon o roditeljima njegovateljima ja ga nisam baš najbolje shvatio pa ću vas zamoliti ako možete pismeno pa ćemo mi pismeno poslati odgovor.

Što se tiče pitanja o dječjem dodatku imali smo ogromne zloupotrebe kada je samostalna djelatnost u pitanju obzirom da su oni bili u pravu imate znači, advokatske kancelarije, notare, stomatologe i mnoge druge koji su zloupotrebljavali pravo i zakonsko pravo na osnovu Zakona o materijalnoj podršci porodici s djecom, odnosno dječji dodatak i zbog toga samostalne djelatnosti su isključene. Apsolutno se slažem da određene ponovno treba vratiti u pravo i kolega Salko Zildžić je sjećam se tada diskutovao o ovom pitanju. Ja također smatram da posebno poljoprivredne obrte treba vratiti u pravo kada je dječji dodatak u pitanju potruditi ću se da u što skorijem vremenu pripremimo izmjene i dopune tih zakona. Imali smo problem sa razvrstavanjem tih djelatnosti jer je nemoguće neke isključiti neke uključiti ali tražimo rješenje nakon što ga nađemo potruditi ćemo se da ove nisko akumulativne, odnosno prije svega evo i primarno poljoprivredu vratimo u pravo i da oni imaju pravo na dječji dodatak.

Ono što želim evo da kažem jeste da radimo studiju opravdanosti univerzalnog dječjeg dodatka to podrazumijeva da svako dijete ima dječji dodatak ja mislim da moje ne treba da ga imam i to nemam problem javno da kažem, ali mislim također da određeni širi obuhvat djece treba da ima pravo na dječji dodatak ja se nadam da ćemo pronaći rješenje u narednom ovom periodu.

Hvala.